

FURMAZIUN PROFESSIUNALA DA BASA

La furmaziun professiunala da basa suonda al temp da scola obligatoric e dura tut tenor diplom dus fin quatter onns. Ella sa cumpona da la furmaziun professiunala en ils manaschis d'emprendissadi e la furmaziun da scola en la scola professiunala. Questa divisiun da la furmaziun pratica en ils manaschis d'emprendissadi e da la furmaziun teoretica en las scolas professiunalas vegn numnada sistem dual. Plinavant vegnan abilitads generalas instruidas en il curs ordaifer ils manaschis. Tgi che ha absolvì cun success ina furmaziun professiunala da basa, è qualifitgà per pratitgar la professiun emprendida e per frequentar numerusas pussaivladads da furmaziun supplementara.

Diploms

I dat duas sorts da diplom che pon vegnir acquistads suenter cun ina furmaziun professiunala da basa:

Attest federal professiunal AFP (furmaziun da basa da 2 onns)

La furmaziun professiunala da basa da dus onns maina giuvenils pli flaivels en fatgs da scola ma talentads en la pratica ad in attest federal professiunal (AFP) cun agen profil da professiun. Cun in AFP èsi pussaivel da ver access ad ina furmaziun professiunala da basa da 3 u 4 onns cun attestat federal da qualificaziun (AFQ).

Attestat federal da qualificaziun AFQ (furmaziun da basa da 3 u 4 onns)

Durant la furmaziun professiunala da basa da 3 u 4 onns acquistan ils giuvenils las qualificaziun che rendan abels els da pratitgar la professiun correspundenta. Questa furmaziun maina ad in attestat federal da qualificaziun (AFQ) e pussibilitescha l'access ad ina furmaziun professiunala superiura.

Maturitad professiunala durant l'emprendissadi (BM 1)

Tar fitg bunas prestaziuns da scola po vegnir frequentada la scola da maturitad professiunala durant la furmaziun da basa da 3 u 4 onns. Ella amplifitgescha l'emprendissadi tras ina furmaziun generala extendida e pussibilitescha l'access ad in studi parentà a la professiun ad ina scola auta professiunala suenter l'emprendissadi. Vegn la passarella absolvida suenter la maturitad professiunala s'avra la pussaivladad da studegiar ad in'universitad.

Infurmaziuns ulteriuras chattas ti sin il feigl d'infurmaziun «Maturitad professiunala durant l'emprendissadi MP1» sin www.berufsbildung.gr.ch → Rumantsch → Documentaziun → Cussegliaziun da clamada, studis e carriera → «profilo» → 2. s'orientar.

► Infurmaziuns ulteriuras tar la furmaziun professiunala da basa

ed agid porscha il Center d'infurmaziun professiunala CIP, la pagina www.berufsberatung.ch u nossa CIP app.

L'adressa dal CIP en tia vischinanza chattas ti sut: www.berufsbildung.gr.ch → Rumantsch → Sur da nus → Lieu ed adressa → Cussegliaziun da professiun, da studi e da carriera.

E-mail: biz@afb.gr.ch